



Saints Joachim & Anne Armenian Apostolic Church

Ս. ՅՈՎԱԿԻՄ ԵՒ ԱՆՆԱ
ՀԱՅՑ. ԱՌԱՔԵԼԱԿԱՆ ԵԿԵՂԵՑԻ

Pastor
Rev. Fr. DIRAN PAPAŽIAN, Archpriest
Տ. ՏԻՐԱՆ ԱՌ. ԲԶՆՅ. ՓԱՓԱՋԵԱՆ, ՀՈՎԻԼ

ՌԱՖՖԻ ՅՈՎՀԱՆՆԷՍԵԱՆ -ԿԵՆՍԱՂՐԱԿԱՆ ԱԿՆԱՐԿ-

Ծնեալ յԵրուսաղէմ Օգոստոսի 16ին, 1938, Առաքել եւ Տիրուհի Յովհաննէսեան ընտանեկան յարկին տակ: Մանուկ հասակէն իր ընտանիքին հետ փոխադրուած է հայաշատ Հալէպ, ուր եւ մեծցած է եւ կազմաւորուած է անոր ուսումնական կեանքը եւ նկարագիրը, անշուշտ մեծ բան պարտելով՝ իր բարոյական նկարագրի կերտումին մէջ՝ բարեպաշտօն իր ծնողաց:

Իր ուսման հանգրուանները եղած են ըստ հետեւեալին: Մանկապարտէզ՝ Հայկազեան դպրոց: Նախակրթարան՝ Էմմանուէլ վարժարան: Բարձրագոյն կամ Երկրորդական՝ Հալէպի Ամերիկեան Քալէժ -Ալէքքօ Քալէժ-, ուրկէ շրջանաւարտած է 1956-ին: Յաճախած է նաեւ Հալէպի մէջ Կիրակնօրեայ վարժարանին կանոնաւորապէս, ուրկէ ընթացաւարտ եղած է, Կիլիկիոյ Կաթողիկոսութեան վաւերացումով, Գէորգ Ներսոյեանի Տեսչութեան շրջանին: Իր ընթացաւարտութենէն վերջ, ուսուցչութիւն ըրած է 2 տարի Կիրակնօրեայ դպրոցին մէջ:

Քալէժական տարիներուն անիկա Ատենապետ եղած է Հալէպի Հայ Ուսանողաց Միութեան որ կ'ընդգրկէր Հալէպի բոլոր Երկրորդական վարժարաններու ուսանողութիւնը:

Քալէժէն իր շրջանաւարտութեան տարին իսկ՝ ընտանեօք փոխադրուած են Պէյրութ: Այնուհետեւ զինք կը գտնենք լծուած աշխատանքի՝ Լիբանանահայ գաղութի կեանքէն ներս, իր ուսանողական աշխատանքներուն առընթեր:

Յաճախած է Պէյրութի Ամերիկեան Համալսարան -ԷՅ ԵՈՒ ՊԻ-, լման 6 տարի, 1956-62, ուրկէ վկայուած է իբրեւ բժիշկ 1962-ին:

Այնուհետեւ 3 տարի եւս շարունակած է իր ուսումը նոյն համալսարանէն ներս, 1962-65, եւ մասնագիտացած է ներքին հիւանդութեանց մէջ:

Իր ուսանողութեան շրջանին, յատկապէս բժշկական մասնագիտացման տարիներուն, անիկա միացած է Զանասիրաց Երիտասարդական Միութեան եւ վարած է ատեն մը Ատենապետութիւնը նոյն կազմակերպութեան:

Անիկա հիմնադիրներէն եղա՞ց է 1964-ին, Հայ Երիտասարդաց Համալսարանական Ուսանողաց Միութեան -Հ.Ե.Հ.Ո Մ.- որ մինչեւ օրս կը շարունակէ իր գոյութիւնը:

12600 South Ridgeland Avenue Palos Heights, Illinois 60463 Office: 708-388-4940 Ծար...

Շար... նախորդ էջէն...

Այս կազմակերպութիւնը վայելած է Կիլիկիոյ Կաթողիկոսութեան հովանաւորութիւնը: Գարեգին Վարդ. Սարգիսեան -այժմ Կաթողիկոս Մեծի Տանն Կիլիկիոյ-, իր դերը ունեցած է Միութեան կազմաւորման մէջ, որ այդ օրերէն Կաթողիկոսարանի կողմէ նշանակուած դասախօս էր Պէյրութի Համալսարանի Հայ Ուսանողաց, կրօնագիտութեան մարզին մէջ, ըստ Հայաստանեայց Եկեղեցւոյ դաւանանքին: Հարկ է ըսել սակայն որ այս միութիւնը՝ ոչ-յարանուանական, ոչ-կուսակցական՝ եւ մնացած է զուտ համալսարանական Հայ ուսանողաց միութիւն մը, իր մէջ առնելով ամեն խաւի Հայ ուսանողներ: Միութիւնը ունեցած է մինչեւ 150 անդամ եւ իր օգտաշատ գործօն մասնակցութիւնը բերած է ազգային կեանքին, զայն աշխուժացնելով՝ ժողովրդային լսարաններով, վիճաքանական ասուլիսներով, ազգային տօներու յայտագիրներու պատրաստութեամբ, օգտաշատ հրատարակութեանց մեկենասութեամբ ^{եւ} տեսարժան վայրերու արշաւախումբերով:

Ռաֆֆի 1965-ին ամուսնութիւն կը կնքէ Սիսակ եւ Արաքսի Վարժապետեան բարեհամբաւ ընտանիքի շնորհալի դստեր՝ Շողակի հետ, եւ նոյն տարին կը ժամանեն Ամերիկա:

1965--68 տարիներուն իր մասնագիտութիւնը՝ ներքին եւ աղիքային հիւանդութեանց վերաբերմամբ՝ կատարելագործած է Հափքինս համալսարանին մէջ, Պալթիմոր, Մերիլենտ:

1969-70 տարիներուն իր զինուորական պարտականութիւնը կատարած է հազարապետի աստիճանով Ամերիկեան բանակին մէջ:

1970-ին նոյեմբեր ամսուն Յովհաննէսեան ամուլը հաստատուած է Մանսթըր, Ինտիանա: Նոյն թուականէն սկսեալ ամբողջ 23 տարի անոնք՝ Տէր եւ Տիկին՝ Երեւոյի Հայ գաղութի կեանքին բերած են իրենց ամբողջանուէր մասնակցութիւնը մեծ նուիրումով եւ տքնաջան աշխատանքով:

Այդ օրերուն զուգադիպած է Ս. Յովակիմ եւ Աննա Հայաստանեայց Եկեղեցւոյ փոխադրութիւնը ի Փալոս Հայթց, իր նախկին տեղէն՝ Վէսթ Փուլմէնէն: Անոնք առաջին օրէն անդամակցած են եկեղեցւոյ եւ իրենց գործօն մասնակցութիւնը բերած են նոր կեդրոնի եւ եկեղեցւոյ շինութեան գործերուն մէջ, մեծագումար նուիրատուութիւններ ընելով:

Համայնքային կեանքէն ներս Ռաֆֆի գործունէութիւններն են հետեւեալները: Փալոս Հայթցի Ս. Յովակիմ եւ Աննա Հայց եկեղեցւոյ թեմական Պատգամաւոր 15 տարի շարունակ, մինչեւ օրս:

Թեմական Պատգամաւորական ժողովի հիւրընկալ Յանձնախումբի Ատենապետ 1983-ին: Շար... յաջորդ թերթին վրայ



Saints Joachim & Anne Armenian Apostolic Church

Ս. ՅՈՎԱԿԻՄ ԵՒ ԱՆՆԱ
ՀԱՅՑ. ԱՌԱՔԵԼԱԿԱՆ ԵԿԵՂԵՑԻ

Pastor
Rev. Fr. DIRAN PAPA ZIAN, Archpriest
Տ. ՏԻՐԱՆ ԱՌ. ԲԶՆՅ. ՓԱՓԱՋԵԱՆ, ՀՈՎԻԷ

Շար...

2 տարի վարած է թեմական Պատգամաւորական ժողովի Փոխ-Ատենապետութիւնը: Իբրեւ Պատգամաւոր անդամ եղած է Ընտրողական Յանձնախումբի եւ Հարցերու Դասաւորման Յանձնախումբի:

Հայ Եկեղեցւոյ Հիմնադրամի Յանձնախումբին անդամ եղած է 4 տարիներ, 1983-87: Ներկայիս Ս ներսէս Աստուածաբանական Դպրոցի Խնամակալութեան անդամներէն է: Թորգոմ Մանուկեան Սրբազանի Առաջնորդութեան 25-ամեակի Տօնակատարութեան Յանձնախումբի Ատենապետ եղած էլ եւ գլխաւոր ատենախօս:

Հայ Եղեռնի 75-ամեակի Համազգային Յուշատօնի կազմակերպչական աշխատանքներուն գլխաւոր դերակատարներէն եղած է, շրջանիս մէջ:

Միջարեւմտեան շրջանիս մէջ Յ խոշոր ժողովրդային հանգանակութեանց մղիչ ուժերէն հանդիսացած է իր Տիկնոջ Շողակի հետ միասնաբար, եւ այդ երեքին աննախընթաց յաջողութեան մէջ վճռական եղած է իրենց դերը: Սոյն հանգանակութիւններն են ժամանակագրական կարգով - ա.) Երկրաշարժի հանգանակութիւն, բ.) Դարաբաղի հանգանակութիւն, գ.) "Վինթրը Րէսքիլ":

Ժխական, համայնքային եւ թեմական մակարդակի գործերէն զատ կան տակաւին ազգային գործունէութիւններ ըստ հետեւեալին:

Բարեգործականի անդամակցած է մօտ 30 տարիէ ի վեր իբրեւ բարերար անդամ: Բանի մը առիթներով Ատենապետութիւնը վարած է Ամերիկեան Ծիւղին Ընդհանուր ժողովներուն, վարած է նաեւ քանիցս Փոխ-Ատենապետութիւնը: 1992-էն ի վեր Բարեգործականի միջազգային վարչութեան անդամ նշանակուած է:

Արմէնիըն Էսէմպլի-ին ``պօրտ``ին վրայ եղած է 1980-84:

``ՆԱԱՄԲ``ի Հայկական Ուսմանց եւ Գիտահետազօտութեան Ընկերակցութեան մէջ եղած է տարիներով իբրեւ անդամ եւ օգնած է նիւթապէս:

Վերջերս անդամակցեցաւ նաեւ Վարդանանց Ասպետներու Եղբայրակցութեան, անոր մէջ եւս կարելիութիւնը տեսնելով ազգին ծառայելու՝ տարբեր ծամբաներով:

Ասոնք բոլորը կը վկայեն Ռաֆֆիի վառ հայրենասիրութեան ինչպէս նաեւ անոր առաջնորդողի ձիրքերուն մասին:

Մեր ազգային շրջանակէն դուրս, օտար Ամերիկեան շրջանակներէ ներս եւս ,

Շար... նախորդ էջէն...

առեւտրական, տնտեսական եւ բժշկագիտական ընդլծով, Ռաֆֆի իր հեղինակաւոր ձայնը ունեցած է:

Կարեւոր է նշել նաեւ իր մեծ դերը Ամերիկեան պետական շրջանակներէ ներս, հայասէր ծերակուտականներու եւ քանկրէմեններու ընտրապայքարին բերած իր շօշափեի նպաստով, շահելով զիրենք իբրեւ Հայ դատի պաշտպան: Իր հաստատած մտերմութիւնը ^{Անկախ} Սայմընի հետ՝ նշանակալից է, եւ այս վերջնոյս յոյժ նպաստաւոր կեցուածքը՝ Հայկական հարցերու բարւօք լուծման ուղիով, մեծաւ մասամբ իր հաստատած մտերմութեան կը պարտինք:

Ռաֆֆին իր անձնուէր եւ երախտաշատ ծառայութեան համար քանիցս գնահատուած է՝ Հայութեան տարբեր հատուածներու կողմէ: Ասոնցմէ կարելի է յիշել հետեւեալ երկուքը:

1988-ին պատուուած է յատուկ կոնդակով իբրեւ ՝՝Կիլիկիոյ Իշխան՝՝ Մեծի Տանն Կիլիկիոյ Կաթողիկոսէն:

1986-ին ինչպէս ինչպէս ինչպէս ՝՝Տարուոյն Մարդը՝՝ Ամերիկեան Կիլիկեան Թեմական Իշխանութեան կողմէ, Տիթրօյթի մէջ:

Սոյն կենսագրական քանի մը գծերը՝ կը յուսանք զաղափար մը կուտան մարդուն եւ իր գործին մասին:

Ս. Տիրան Ա. Բ. Գնյ.

11 Օգոստոս, 1993
Փալոս Հայթց, Իլինոյ

Պատրաստուած
Տ. Տիրան Ա. Բ. Գնյ. Փափագեանի
ձեռամբ